

鄭學廬地理公刊

方備棗
札記

順德李若麓先生撰

門人江標謹署

光緒丁酉會稽施
氏栞於艸鄭學廬

朔方備乘札記

順德李文田

卷十五

尼布楚卽林木中百姓攷○於是自失必兒等種以南
失必兒卽鮮卑二字之對音今俄羅斯錫伯利卽此
失必兒之對音也

至乞兒吉思卽吉利吉思

原文作萬乞兒吉思萬乞卽韃靼及勿吉之對音此
處脫萬字而以爲吉利吉思非也

卷十六

波蘭路總載○西北界寒牙里

寒牙里卽控噶爾

卷二十四

額爾古納河○一曰臚胸河

一曰龍居河一曰班朱納海見元史速不台傳一曰

巴渚納海子見元祕史

一曰陸局河

見西游記

有孫可勒河亦曰僧庫勒河卽僧庫爾河也

元祕史之桑沽兒河卽此對音

一作闊欒海子

又元祕史作闊連海子

鄂爾順河

又元祕史作兀兒失溫河即鄂爾順對音

即古捕魚兒海

又見元祕史

呼倫貝爾城總管

又當云因地名設總管

又西南流百餘里

又喀爾喀河

又西分爲二支

喀爾喀河

又西流與北台支復合

喀爾喀河

又西流

喀爾喀河

又西南

喀爾喀河

又西

喀爾喀河

又西

喀爾喀河

折西北流

喀爾喀河

又西北百餘里

喀爾喀河

又西北二百里

喀爾喀河

其支河七曰阿母巴哈爾渾

卽阿母巴哈兒渾

曰伊闌色模

卽衣藍塞漠

曰喀爾札布魯克圖

卽噶兒查布魯克圖

曰訶爾訶齊

卽活爾活

曰呼魯思泰

卽呼魯思太

曰喀爾喀

卽提綱之喀爾喀

黑龍江。又東南齊母爾喀河自南來。

元祕史作乞沐兒台河。

卷二十五

色楞格河。復從鄂模西北溢爲昂噶拉河。

元史之昂可刺河其上流卽色楞格河。

鄂爾坤河。東南流曰姑洛河。

輟耕錄曰：虞文靖公集撰高昌王世勳碑曰：畏吾兒之地有和林山，二水出焉，曰虎忽刺，曰薛靈哥。按薛靈哥卽色楞格河，其虎忽刺卽姑洛之對音。

一自北麓東南流曰阿木勒稽烏林塔河。

明鄭大郁四夷攷曰和寧卽哈刺禾林元初建都於此名元昌路

哈拉河上源曰通克拉河

元祕史統格黎河卽此通克拉河
東北自阿卽肯特山之西麓

阿卽二字似衍再攷之下頁楚庫河亦出阿卽格
肯特山卽此山也此二字非衍又攷土拉河源所
出水道提綱謂一源出於小肯忒山然則阿卽格者
小也

楚庫河。又西北流有齊蘭河自南來入之

元祕史作勤勒豁河

克穆河○又西哈爾吉河入之

元史速不台傳癸未年奏請討欽察引兵繞寬田吉
斯海轉至太和嶺出不意至則遇其部長方聚於不
里河遂收其境又至阿里吉河與幹羅思部遇一戰
降之大掠阿速部而還所云阿里吉河卽此哈爾吉
河也西遊記云其地爲水爾蓋諸人汎舟其地
經扎薩克圖汗部所屬烏梁海一佐領境
明鄭大郁四夷攷圖說曰自和寧北行三千里名阿
只里海子自此又行五百餘里至欠欠州乞里吉里

田地又北行千里大注云

卷二十八

俄羅斯奉天主教之始○大將綳標

原注一往勦作潘沛

志略西班牙國篇云其地爲加爾達額人所據漢初

意大里大將奔彪帥師征服之奔彪卽綳標

唐初回回教之摩哈默興於阿剌伯

摩哈默卽舊唐書大食國之摩訶末也

卷三十

烏孫部族攷○最奉佛

此說誤

奉者天主音突沁經音

此說是

從安西西北千餘里有敦達嶺

今博克達山

西南至慈嶺二千餘里

此似指木素爾嶺

卷三十一

匈奴傳○徙關東貧民處所奪匈奴河南地新秦中以

實之

今河套內阿拉善旗

呼韓邪單于兄左賢王呼屠吾斯

呼韓二字其音近可汗稱號之始

鮮卑傳○別依鮮卑山

今興安嶺

柔然傳○於是自號邱豆代可汗

可汗二字與漢書之呼韓對音

投噏噠

噏噠卽元史之按荅謂交友也卽友邦之義

高車傳○有突越失國

突越失卽突騎施對音

奄蔡傳。西與大秦接。

今土耳其。既云西與大秦接。是時大秦全有今土耳其地。則北臨大澤。決爲裏海可知。

臨大澤無涯。蓋卽北海也。

此今黑海。

烏洛侯傳。其國西北有貌水。

秋濤案北史作完水

北史作完水。是也。此必由完譌兒。由兒又譌貌。

卷三十二

突厥傳。菴邏降居獨洛水。

獨洛水卽土拉河之對音。